



I-lâi-sa tī chûn téng ê sī ũ sin; só-í chit-tōaⁿ lú-tô tùi i lâi kóng, pēng
bô khin-sang. Tī chûn téng, bô-lūn sī chē, iā sī khùn ê khong-kan,
lóng chin eh. Chûn-á chàì chin chē mih-kiāⁿ kap lêng, chàì kah tīⁿ-
móa-móa. Tī chûn téng ê seng-oáh bô sáⁿ sù-sī, iû-kī sī beh khì
piān-só, á-sī sé sin-khu. M̄-koh I-lâi-sa mā bô oàn-thàn. I tian-tò
lī-iōng chit tōaⁿ sī-kan, óh Tâi-gí hām sèng-keng. Thiⁿ-khì hó ê sī,
i ē kap Lí-hiu bók-su tī kah-pán téng sàⁿ-pō, chhōe hái--nìh hām
chûn-á chò-hóe siû-chúí ê hái-ang kap hái-ti.

